

Reglugerð þessi, sem samín er og samþykkt af hreppsnefnd Þingeyrarhrepps, staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 22. janúar 1980.

F. h. r.

Hallgrímur Dalberg.

Hólmfríður Snæbjörnsdóttir.

AUGLÝSING

um breytingu á gjaldskrá Hitaveitu Ólafsfjarðar, nr. 368 5. ágúst 1975, með síðari breytingum.

4. gr. orðist þannig:

Gjöld fyrir afnot heita vatnsins eru sem hér segir:

- a) Fastagjöld kr. 1 800.00 á mánuði fyrir hvern aðalhemil.
- b) Vatnsgjald kr. 3 000.00 á mánuði fyrir hvern mínútulítra á hámarksstillingu hemils.

Gjaldskrárbreyting þessi, sem samþykkt er af bæjarstjórn Ólafsfjarðar, staðfestist hér með samkvæmt orkulögum nr. 58 29. apríl 1967 til að öðlast gildi 1. febrúar 1980, og birtist til eftirbreytni öllum, sem hlut eiga að máli.

Iðnaðarráðuneytið, 28. janúar 1980.

F. h. r.

Páll Flygenring.

Kristmundur Halldórsson.

REGLUGERÐ

um sérstök línu- og netasvæði út af Suðvesturlandi og Faxaflóa.

1. gr.

Á tímabilinu frá 1. febrúar til 31. mars 1980, eru allar veiðar með botn- og flotvörpu bannaðar á 7 sjómílna breiðu svæði utan við línu, sem dregin er úr punkti 63°33'7 N, 23°03'0 V, vestur og norður um í 5 sjómílna fjarlægð frá Geirfugladrang í punkt 64°04'9 N, 23°45'0 V og þaðan í 270° réttvísandi. Að austan markast svæðið af línu, sem dregin er 213° réttvísandi úr punkti 63°33'7 N, 23°03'0 V.

2. gr.

Á tímabilinu frá 1. febrúar til 15. maí 1980, eru allar veiðar með botn- og flotvörpu bannaðar á svæði, sem að sunnan markast af línu, sem dregin er réttvísandi 270° frá Stafnesvita í punkt 63°58'3 N, 23°40'5 V og þaðan um eftirgreinda punkta:

- A. 64°04'9 N, 23°45'0 V
 B. 64°04'9 N, 23°42'0 V
 C. 64°20'0 N, 23°42'0 V og þaðan í 90° réttvisandi.

3. gr.

Á tímabilinu 20. mars til 15. maí 1980, eru allar veiðar með botn- og flotvörpu bannaðar á svæði, sem markast af línunum, sem dregnar eru á milli eftirgreindra punkta:

- A. 63°10'0 N, 22°00'0 V
 B. 63°25'3 N, 22°00'0 V
 C. 63°33'7 N, 23°03'0 V.

4. gr.

Brot á ákvæðum reglugerðar þessarar varða viðurlögum samkvæmt ákvæðum laga nr. 81 31. maí 1976, um veiðar í fiskveiðilandhelgi Íslands. Með mál út af brotum skal farið að hætti opinberra mála.

5. gr.

Reglugerð þessi er sett samkvæmt ákvæðum laga nr. 81. 31. maí 1976, um veiðar í fiskveiðilandhelgi Íslands til þess að öðlast þegar gildi og birtist til eftirbreytni öllum þeim, sem hlut eiga að máli. Frá 1. febrúar 1980, fellur úr gildi reglugerð nr. 438 25. október 1979, um sérstakt línu- og netasvæði út af Faxaflóa.

Sjávarútvegsráðuneytið, 23. janúar 1980.

Kjartan Jóhannsson.

Jón B. Jónasson.

REGLUGERÐ**um bann við línuveiðum fyrir Vesturlandi.**

1. gr.

Til 15. mars 1980 eru allar línuveiðar bannaðar á eftirgreindum svæðum í Faxaflóa, við Snæfellsnes og í Breiðafirði:

1. Í Faxaflóa norðan línu sem dregin er frá Dormóðsskeri í Gölt.
2. Á svæði við utanvert Snæfellsnes, sem að utan afmarkast af línu, sem dregin er í 3ja sjómílna fjarlægð frá fjöruborði. milli lína sem dregnar eru 220° réttvisandi frá Malarrifsvita og 270° réttvisandi frá Skálasnaga (64°51'3 N, 24°02'5 V).
3. Á svæði í Breiðafirði, sem markast af línunum, sem dregnar eru milli eftirgreindra punkta:

1. 65°07 N og 24°10 V
2. 65°09 N og 24°38 V
3. 65°06 N og 24°39 V
4. 65°02 N og 24°17 V.

2. gr.

Brot gegn ákvæðum reglugerðar þessarar varða refsingu samkvæmt ákvæðum laga nr. 81 31. maí 1976 um veiðar í fiskveiðilandhelgi Íslands. Með mál út af brotum skal farið að hætti opinberra mála.